



**R. P. Ioannis Præpositi Atrebatis, E Societate Iesv, S.
Theologiæ Doctoris, & quondam in Vniuersitate
Louaniensi ac Duacensi Professoris, Commentaria In
Tertiam Partem S. Thomæ De Incarnatione Verbi ...**

LePrévost, Jean

Dvaci, 1629

Art. V. Vtrum gratia Christi secundum quam est caput Ecclesiæ, sit eadem cum gratia habituali eius secundum quod est quidam homo singularis.

[urn:nbn:de:hbz:466:1-94249](https://nbn-resolving.org/urn:nbn:de:hbz:466:1-94249)

ARTICVLVS IV.

Utrum Christus sit caput Angelorum?

8.

Christus
caput est
Angelorum.Prob. 1. ex
Ephes. 1.

PETIT S. Th. num Christus etiam quā homo sit caput Angelorum. Ad quod

Respondet affirmatiuē; quod etiam censent communiū Theologi, quamuis aliqui id negent.

Prob. 1. ex scriptura ad Ephes. 1. *Suscitans eum a mortuis, & constituens ad dexteram suam in caelestibus, supra omnem principatum & potestatem, & virtutem & dominationem, & omne nomen quod vocatur non solum in hoc saeculo, sed etiam in futuro; & omnia subiecit sub pedibus eius.* Quibus verbis dicitur Christum secundum eam naturam esse supra omnem principatum, &c. secundum quam est suscitatus, & secundum eandem naturam subiecta sunt ei omnia; igitur Angeli subiecti sunt Christo ut homini, & proinde secundum scripturas Christus dici potest eorum caput; nam is cui alter est subiectus, alterius caput est & dici potest. Vnde idem Apostolus subiicit, *& ipsum dedit caput supra omnem Ecclesiam, quae est corpus ipsius.* Quae sententia licet possit intelligi de Ecclesia hominum, tamen non incongruē sumitur etiam de Ecclesia prout Angelos comprehendit.

Prob. 2. ex
Patrib.
Hieron.
August.

Prob. 2. ex Patribus. Hieron. in locum ad Ephes. citatum. August. concione 3. in Psalmum 36. aliquantō post principium dicente, *ut esset ipse caput totius ciuitatis Hierusalem, omnibus connumeratis fidelibus ab initio usque ad finem, adiunctis etiam legionibus Angelorum, ut fiat una ciuitas sub uno rege.*

9.
Prob. 3. ratione.

Potest 3. idem probari ratione; ut in ciuitate aliquis dicatur caput mysticum, sufficit ut participet maiorem dignitatis gradum cum aliqua gubernatione; atqui Christus etiam quā homo est praestantior Angelis: licet enim natura humana in se sit inferioris conditionis quā natura Angelica, tamen erecta ad esse personale diuinum per vnionem hypostaticam superat omnem Angelicam dignitatem; cui etiam praereminet supernaturalibus donis gratia. Christus etiam Angelos gubernat quā homo, cum sint administratores spiritus in ministerium missi propter eos, qui hereditatem capiunt salutis; quae autem pertinent ad salutem hominum dispensantur per Christum; vnde dirigit Angelos ad hominum salutem. Addi potest quod eos illuminet.

Vtrum Christus gratiam & gloriam in Angelos influxerit, & proinde etiam hoc modo sit eorum caput, controuertitur inter doctores, de quo agetur in materia de merito Christi.

ARTICVLVS V.

Utrum gratia Christi secundum quam est caput Ecclesiae sit, eadem cum gratia habituali eius secundum quod est quidam homo singularis?

Resp. affir.

AFFIRMAT.

Notandum tamen gratiam ratione cuius primō & magis propriē Christus dicitur caput Ecclesiae esse vnionem hypostaticam, ut facili patet ex dictis q. 2. & quaest. precedente art. 1. & 11.

nam ex ea ortum est quod humanitas potuerit mereri de condigno & satisfacere, & gratiam & dona spiritualia in alios influere. Nihilominus quia gratia habitualis mediantibus virtutibus supernaturalibus etiam influxit in opera, per quae Christus nobis promeruit ea quae iam retulimus, illa gratia propter conjunctionem sui cum natura hypostaticē Deo vnita, potest aliquo modo dici gratia capitis, atque ita eadem esse gratia secundum quam est caput, & quae illi concessa est ut homini singulari. Prior pars huius doctrinae sumi potest ex S. Th. art. sequente in corpore, dicente, *interior influxus gratiae non est ab aliquo nisi a solo Christo, cuius humanitas ex hoc quod est diuinitatis coniuncta, habet virtutem sanctificandī.*

Christus
praeterum
dicitur ca-
put ratione
vnionis hy-
post.

S. Tho.

ARTICVLVS VI.

Utrum esse caput Ecclesiae sit proprium Christo?

AFFIRMAT. Patet ex annotatis circa art. praecedentem; quia nulla pura creatura potest habere interiorē influxum gratiae in alios, eo modo quo habet Christus, scilicet ex potestate excellentiae propter vnionem naturae humanae cum diuina. Vnde nulla pura creatura potest esse caput Ecclesiae in eo gradu quo est Christus etiam secundum quod homo. Pontifex etenim solum dicitur caput Ecclesiae, quod tanquam Christi Vicarius Ecclesiam militātem eius nomine visibiliter gubernet, non tamen praebens illiū internū gratiae influxum.

Resp. affir.

11.

Potestas ab-
ter dicitur
caput Ec-
clesiae quā
Christus.

ARTICVLVS VII.

Utrum diabolus sit caput omnium malorum?

AFFIRMAT. eō quod omnes malitiā superet & ad peccatum pettrahat suāione &c. vnde patet quod non tam perfectē dicatur caput malorum, sicut Christus dicitur caput Ecclesiae; quia diabolus non potest habere internū influxum in malos, quō iij immediatē a Deo auertantur, & malitiā immediatē influendo.

Breuitē inquiri potest quid hīc intelligatur per diabolū? Caiet. art. sequenti dicit non intelligi vnum singularem; sed ceterum dæmonum. Melius alij intelligunt Luciferum.

Aduerte 1. quod licet diabolus tentet iustos, non sit tamen illorum caput, cum ea tentatio sit hostilis impugnatio, non verō eius cui alter subest, & iusti non possunt dici membra diaboli, sed soli peccatores, qui ratione peccati ei subsunt tanquam capiti, quamuis iisdem dum sunt in viā respiciant etiam Christum tanquam caput modo explicato art. 1. & 3. quia nihil vetat vnum & eundem diuersa consideratione pluribus capitibus politicis subijci.

Aduerte 2. quod licet Christus non sit caput dæmonum & damnatorum ratione interioris influxus gratiae in illos (quod solum vult S. Th. art. 3.) possit tamen dici eorum caput eō quod illis imperet & eos poenis addicat.

12.

Cur diabo-
lus caput
malorum.Caiet. putat
per diabo-
lum hīc in-
telligi ceterum
omniū
dæmonum.14.
Sed impro-
batur.Quo scilicet
Christus
dici possit
caput dæ-
monum.

ARTI-